

Jedna si BiH, jedina moja domovino!

Domovina moja - fina, stara dama,
zemlja mojih snova - zemlja bez mana.

Branjena krvlju, životom i mačem,
opjevana Dizdarevim „Kamenim spavačem“.

Brižna kao majka, s dušom punom rana,
Rodila je bezbroj pisaca i velikana.

Pored svega drugog, i prirodom se diči.
Na vilu iz bajke ponekad mi liči.

Sve njene ravnice u mom srcu leže,
I sve njene rijeke što ka ušću svom bježe.

Kad bih mogla, učinila bih da se ljudi više vole.
Da budu pune đaka male i velike škole.

Da ljudi dostajanstveno žive od svog rada,
da mir i sloga vječno domovinom vlada

Voljela bih da za svakog bude dovoljno hljeba,
da smo svi jednaki ispod plavog neba.

Zabranila bih mržnju, uvrede i zla djela,
Učinila bih da procvjetaju gradovi i sela.

Dala bih domovini priliku da napokon diše,
Da ne osjeti patnju i rat nikad više.